

遠各官飢民不得親受者則各以附近同道各官米太次次移給  
為當自全羅道移給米太則各以其附近官居民亦為次次移給  
以除飢民遠路往受之弊且兩道境界雖只隔一江相距至近必賴  
舟楫而過涉許多受米人民等以數小津船未能易涉必有競渡溺  
死之弊令兩道觀察使船隻多數措置使之利涉事并行移何  
如啟依允○夜有氣如火○戊寅傳于政院曰平安道屬公唐物  
欲為慶置前者天使出來則頭目雜物入內而分散賜有例平安  
道屬公唐物亦欲入內而頒賜此事似乎細瑣政院則處之為難此  
意其言于戶曹史臣曰丁世純等見捉之物無異賊贓賈貨之物其  
物瑣細而甚陋欲以此物頒賜朝廷其輕褻甚矣自 上亦知其難  
處於政院而入內頒賜則不以為難可乎頒賜之命已下而在喉  
舌者不敢言為耳目者不知論至於俱被恩命之後侍從上劄  
非之亦已晚矣○已 以唐物義州護送軍金昌孫等被捉屬公物頒賜議政府堂上  
政院弘文館司憲府司諫院藝文館侍講院有差○太白晝見庚  
辰黃海道春等進上鷹子十連頒賜于三公及曾經政丞六承旨